



АКАФИСТЪ

МУЧЕНИКУ
В О Н И Ф А Т И Ю

С ПОСЛЕДОВАНИЕМ
КРАТКОГО МОЛЕБНА



САТИСЪ

*По благословению Епископа
Пермского и Соликамского
АФАНАСИЯ*

Санкт-Петербург
1994



СВЯТОМУ М҃ЧЕНИКУ ВОНИФАТІЮ
ДАНА БЛАГОДАТЬ ХОДАТАЙСТВОВАТЬ
У ГОСПОДА ОБ ИЗБАВЛЕННІ
ОТ НЕДУГА ПИАНСТВА.



**АКАФИСТ
СВЯТОМУ М҃ЧЕНИКУ
ВОНИФАТИЮ**

Кондак I

Избранный воине
Христов, венцем сла-
вы украшенный, му-
ченической смерти
вечныя смерти изба-
вивыйся, от мрака гре-
ховнаго отвративыйся

и к вечному свету при-
шедый, прими моле-
ние наше, в похвалу
тебе приносимое, и
нас избави от сетей
лукаваго врага наше-
го, да тебе с радостию
победною зовем : ра-
дуйся, Вонифатие, му-
чениче многостра-
дальный.

Икос I

Ангелом светлым,
огнь мучений твоих
росою благодати уга-

сившим, огражден
был еси, страдальче
Христов Вонифатие,
да не когда яко греш-
ник нераскаянный по-
гибнеши и пред Гос-
подем в одежде мрач-
ней предстанеши. На-
учи и нас облещися в
светлая ризы свято-
сти, тебе зовущих:

Радуйся, жизнь за
Христа отдавый.

Радуйся, страданиям
Его подражавый.

Радуйся, очи своя к
Богу обративый.

Радуйся, волю свою
в добродетелях укрепивый.

Радуйся, рабе Христов верный.

Радуйся, святой конец жития своего приемый.

Радуйся, к покаянию сердца обращающа.

Радуйся, ко Христу, пути истинному приводя.

Радуйся, духом святым просвещенный.

Радуйся, соблазнами мира сего не

прельщенный.

Радуйся, змия лукаваго посрамивый.

Радуйся, Святых лик возвеселивый.

Радуйся, Вонифатие, мучениче многострадальный.

Кондак 2

Видя многомятежие мира сего и печали земныя, и сия вся, яко прах вменив, к премирным возвел еси ум твой, страдальче Хри-

стов, на высоту Бого-
разумия возшед, Хри-
ста Бога пред всеми
исповедал еси и ныне
души всех во гресех
погибающих к мило-
сердному Господу зо-
веша, да во смирении
покаются и во слезах
умиленных Ему вопи-
ют: *Аллилуия.*

Икос 2

Разум трезвением
укрепил еси и стра-
стей пламень покая-

нием угасил еси, Во-
нифатие предивный.
От Запада на Восток
из Рима пришел еси
спострадати Господу
Иисусу Христу наме-
рение святое нося, да
благодать в тебе пре-
изобилует и нас ныне
в Храм Божий при-
влекл еси, тебе глаго-
лющих:

Радуйся, страсти по-
борати научаяй.

Радуйся, отчаянным
надежду спасения по-

даваяй.

Радуйся, суету жизни земная познавай.

Радуйся, страдания своя предсказавый.

Радуйся, трезвящихся отрадо и одобрение.

Радуйся, немощных волею укрепление.

Радуйся, яко тобою от пианства отвращаемся.

Радуйся, яко тобою к Богу обращаемся.

Радуйся, исцелений источниче неисчерпа-

емый.

Радуйся, чудес сокровище неоскудеваемое.

Радуйся, научая присно возносить ум наш к Богу.

Радуйся, обретенный истинную от грехов свободу.

Радуйся, Вонифатие, мучениче многострадальный.

Кондак 3

Сила милосердия Бо-

жия неизреченная на тебе открыся, ибо жития твоего, мучениче, дивное повествование явно нам сказует, како велии грешницы милостиво Отцем нашим Богом приемлются, егда Ему покаяние принесут. Тако и ты Богу угодил еси и вместо горькия смерти вечную жизнь приял еси, научи и нас Богу пети всегда: *Аллилуия*.

Икос 3

Имея ныне радость вечную в небесных селениях, и нас на грешной земли не забываеши, мучениче Христов Вонифатие. Мы же труждающиеся и обремененнии к тебе прибегаем: не остави сырых и недужных, помощи у тебе просящих, но мольбы наша на алтарь небесный принеси, да радостно тебе зовем:

Радуйся, ближняго,
яко себе самого воз-
любивый.

Радуйся, во гресех
сердце свое не оже-
сточивый.

Радуйся, странником
и путником со всяким
тщанием служивый.

Радуйся, сего ради
нощию стогны града
обходивый.

Радуйся, богатая ми-
лосердию научаяй.

Радуйся, сирья и
вдовицы защищаяй.

Радуйся, бедствующи-

щим добрый предста-
телю.

Радуйся, за обиди-
мых и унижаемых при-
сный ходатаю.

Радуйся, нестерпи-
мою жаждою пианст-
ва палимая трезвле-
нием прохлаждаяй.

Радуйся, вина ради
обнищавшия к трезв-
лению призываяй.

Радуйся, жены рыда-
ющия утешаяй.

Радуйся, слезы их ко
Господу приносяй.

Радуйся, Вонифатие,

мучениче многостра-
дальный.

Кондак 4

Бури греховныя тебе
не потопиша, ниже
волны страстей по-
крыша, мучениче Хри-
стов: не погибл еси, но
ко Христу пришел еси
и жизнь свою яко жер-
тву благовонную Ему,
сладчайшему Спаси-
телю нашему, принесл
еси. Молися убо, да и
мы в житейском море

сущии к тихому пристанищу, Господу Спасителю, притецем, в умилении зовуще: *Аллилуия.*

Икос 4

Слышим и мы евангельскую притчу, како блудный сын на стране далече имение свое иждивый, от глада душевнаго в себе пришед, во объятия отчи притече, в покаянии зовый: "Отче! Со-

греших на небо и пред тобою", тако и ты, мучениче Вонифатие, не погубив себе, но от рожец греха отвратився, ко Христу обратился еси. Мы же исправлению твоему радуящиеся, поем ти сице:

Радуйся, глад крепок в работе страдем испытавый.

Радуйся, Христа Бога, яко хлеба живаго взалкавый.

Радуйся, пречистыя крови Его, яко истин-

наго питания приобщивыйся.

Радуйся, яко преславным мучеником приложивыйся.

Радуйся, на крылех трезвения к Богу возлелевый.

Радуйся, сердце свое горе имевый.

Радуйся, ко Господу силой Животворящаго Креста пришедый.

Радуйся, яко приял еси венец победы.

Радуйся, души нашей сокровище не-

тленное.

Радуйся, Церкви нашей украшение многоценное.

Радуйся, красоты мира сего отвергий.

Радуйся, греховную одежду с себе совлекий.

Радуйся, Вонифатие, мучениче много-страдальный .

Кондак 5

Боготочную кровь
Христову, за всех нас

недостойных и кровь мученическую за Христа пролиянную памятуящи, сие тебе вещаше Аглаида: "Сам веси, сколь многими грехми осквернены есмы и о будущем жития нашего небрежем. Аз же от Божественнаго Мужа слышах, яко мучеников мощи спасение даруют, иже мученика яко хранителя и ходатая пред Богом имать". И мы тебе глаголем: ты еси наш

хранитель и ходатай
пред Господем на-
шим, ибо со ангелы
предстоиши Пресвя-
тей Троице, поя: *Алли-
луия.*

Икос 5

Видим ныне и разу-
меем, како сии глаго-
лы Аглаиды душу твою
пробудиша, и ты к воз-
держанию призывал
еси себе, мучениче
Вонифатие, и нам по-
мози подражати тебе,

да не погибнем в пучине беззакония потопляемыми, но радостно тебе зовем:

Радуйся, от страстей, яко от погибельнаго сна пробудивыйся.

Радуйся, от уз греховных свободивыйся.

Радуйся, сомневающимся в милосердии Божиим обличение.

Радуйся, безконечная радости утверждение.

Радуйся, зовый нас к
подвигу воздержан-
ия.

Радуйся, ты бо зна-
мением Креста посекл
еси страстей взыгра-
ние.

Радуйся, стяжавый
себе вечное имяние.

Радуйся, и нас
пробуждая к труду
спасения.

Радуйся, яко винное
веселие презрел еси.

Радуйся, плотския
раны, яко бесплотен,

претерпел еси.

Радуйся, за исповедание Христа от врагов избиенный.

Радуйся, нестерпимым огнем за Него опаленный.

Радуйся, Вонифатие, мучениче многострадальный.

Кондак 6

Проповедница поклонения святым мощем явися Аглаида, госпожа твоя, стра-

дальче Христов, егда
посла тя на Восток
святыя мощи мучени-
ков, за веру Христову
пострадавших, прине-
сти, ими же благодея-
ния источаются обиль-
но, и вечное спасение
подается всем, к му-
ченическому лику
усердно притекаю-
щим. Дадь и нам уте-
шение от Господа при-
яти, емуже ангель-
скую песнь приносим:
Аллилуия.

Икос 6

Возсиял еси нам, яко звезда незаходимая, дивным житием твоим, мучениче преблаженне, иго Христова легкое и вседрагое на себе приемый и спасение получивый, пути бо благочестия без Христа Господа обрести никакоже возможно есть. Темже и нас молитвами твоими в горняя обители приведи, тя восхваляю-

щих сице:

Радуйся, закона Христова скрижаль, Богом начертанная.

Радуйся, молитв к Господу миро благоуханное.

Радуйся, правая веры Христовой столпе огненный.

Радуйся, честный венче от заповедей Божиих, якоже от камений драгих устроенный.

Радуйся, трезвения

лествице небовосходная.

Радуйся, болезни и раны врачуяй греховныя.

Радуйся, яко от Господа Иисуса благодать и силу приял еси.

Радуйся, яко свет Христов сим возсиял еси.

Радуйся, воздержанием от грехов освящати праздники нас научаяй.

Радуйся, от смертнаго вина нас охраняяй.

Радуйся, умерщвленные страстями светом Христовым оживляяй.

Радуйся, тыя к новому житию призываяй.

Радуйся, Вонифатие, мучениче многострадальный.

Кондак 7

Хотя отъити от дому своего в путь на Восток, кончину жития твоего предрекл еси, достохвальне, Аглаи-

де глаголя: “Госпоже моя, приими мое тело, за Христа мучимое, егда его принесут ти”. В душе твоей мысль за Христа пострадати тая, Ему сокровенно молился еси; и нашу веру укрепи, да будем готови и мы ея ради страдати, Господу поюще: *Аллилуия*.

Икос 7

Дивному и преславному
исправлению

твоему не веруя, помысли лукавое в сердце своем Аглаида, грехом бо хуления оболгати тя хотяще, тако отвеща ти: "Ныне не глумления время, брате, но благоговения, ведый буди, яко мощи святыя имаши носити. Господь же да послет ангела Своего пред тобою и направит стопы твоя милосердием Своим". Мы же чистоту сердца твоего, дивный Вонифатие, зря-

ще, вопием ти:

Радуйся, святых мощей почитателю:

Радуйся, благоговения образа нам подателю.

Радуйся, безчинств хранитися нам повелевый.

Радуйся, вся, о них же сынове века сего радуются, презревый.

Радуйся, известный наш помощниче.

Радуйся, святых мыслей таинниче.

Радуйся, всем борю-

щимся со грехами покровителю.

Радуйся, покаяния нашего пред Богом поручителю.

Радуйся, яко твоими молитвами Господь оставляет прегрешения.

Радуйся, помогаяй нам терпети скорби и поношения.

Радуйся, ликом ангельским сотворивый радость и удивление.

Радуйся, духов злобы приведый в по-

срамление.

Радуйся, Вонифатие,
мучениче многостра-
дальный.

Кондак 8

Странно тебе бысть
языческое идолом
служение, и ты, свя-
тый мучениче, в Тарс
пришед, не преклонил
еси колен пред бога-
ми чуждыми, но апо-
столом показался еси
ревнитель. Темже мо-
лися за ны, да возго-

римся и мы огнем
любве ко Владыце
Христу поюще всегда:
Аллилуия.

Икос 8

Весь распалился еси
ревностию святою, ху-
ления на Господа не
терпя, и исполнился
еси Духа Божия, ос-
лепление и безумие
поклоняющихся лож-
ным богам обличая.
Сего ради царь нече-
стивый казнь наведе

на тя, мучениче, горькую, бичми нестерпимо бия и раны нанося неисцельные. Мы же похвалу поем:

Радуйся, зловерия обличителю дерзновенный.

Радуйся, в правду Божию, аки в броню облеченный.

Радуйся, яко кости твоя за Христа обнажахуся.

Радуйся, яко чистота души твоя тогда открывашася.

Радуйся, яко наследовал еси небесная селения.

Радуйся, яко и ныне обличаеши злых человек на Христа хуления.

Радуйся, за Христа острыми тростями прободаемый.

Радуйся, Сада Райскаго цвете неувядаемый.

Радуйся, яко злато горнилом язв очищенный.

Радуйся, за Христа

ударенный.

Радуйся, кончиною
своею Богу угодивый.

Радуйся, даже до
смерти мученической
его возлюбивый.

Радуйся, Вонифатие,
мучениче многостра-
дальный.

Кондак 9

Всего себе Господу
Богу предав страсто-
терпче Христов, егда
нечестивый царь по-
веле раскрыти уста

твоя и олово кипящее
влили, руке своя воз-
двигл еси к небу, тако
моляся: “Господи, Бо-
же мой, Иисусе Хри-
сте, укрепивый мене в
муках, пребуди и ныне
со мною, моя страда-
ния облегчи и не оста-
ви мене одолену быти
лукавым князем”. Тем
и нас любви ко Христу
научаеши, поющих
Богу: *Аллилуия.*

Икос 9

Витии суемудрени
да рекут нам, како
олово разженое гор-
тани твоея не опали,
ниже инаго вреда те-
бе сотвори, мучениче
Вонифатие. От Госпо-
да бо знамения побе-
ды над мучителем
просил еси и сие зна-
мение тебе дано
бысть. Сего ради вси
чудящеся восклицаху:
“Велий есть Иисус
Христос, веруем в Тя,

Господи". Мы же славим тя, мучениче, сице:

Радуйся, яко тобою вернии просвещаются.

Радуйся, яко тобою от постыдных смерти избавляются.

Радуйся, во едином Христе утешение полагаяй.

Радуйся, во страданиях призывати Бога научаяй.

Радуйся, яко мучите-

лие тебе не превозмо-
гоша.

Радуйся, яко страсти
тебе не побороша.

Радуйся, ты бо тер-
ния грехов в себе по-
палил еси.

Радуйся, ты бо огнем
неопален пребыл еси.

Радуйся, присно жи-
вый страстотерпче ра-
достный.

Радуйся, молитвен-
ниче наш благодатный.

Радуйся, яко тобою
очеса грехми ослеп-
ленная отверзаются.

Радуйся, яко помощию твоею печали на радость прелагаются.

Радуйся, Вонифатие, мучениче многострадаальный.

Кондак 10

Спасен быти восхотев, пламенне возжелал еси до конца за Господа пострадати, мучениче Вонифатие, емуже и возопил еси: "Господи, Господи, Боже мой, сподоби мя

милостей Твоих и буди ми помощник, да за беззакония моя, безумно содеянные, враг не преградит ми пути к небеси: прими с миром душу мою, вчини мя с мучениками, кровь за Тя пролившими и веру до конца соблюдышими", и ныне вопиющими: *Аллилуия.*

Икос 10

Стена крепкая, коз-

ными врага неодоленная, пребыл еси до конца, мучениче Христов. Егда же глава твоя от телесе отсечена бысть, о чудесе! Абие кровь и млеко из раны тоя истекоша, яко и неверным, чудосие зрящим, Христа прославити и с ними звати тебе:

Радуйся, яко мучения твоя зряще, множество людей ко Христу обратишася.

Радуйся, яко тебе ра-

ди на князя злобы они устремишася.

Радуйся, твоя бо кончина просвети умы помраченные.

Радуйся, твоя бо славная смерть воскреси совести во гресех погребенныя.

Радуйся, нераскаянных грешников обличение.

Радуйся, волей расслабленных от вина исцеление.

Радуйся, в нощи неведения блуждающих

вразумление.

Радуйся, золотая удице, из глубины грехов влекущая ко спасению.

Радуйся, яко от Бога в молитвах услышан был еси.

Радуйся, яко в небеснем царстве вселился еси.

Радуйся, порфирию от кровей твоих облеченный.

Радуйся, яко зриши ныне свет неизреченный.

Радуйся, Вонифатие,
мучениче многостра-
дальный.

Кондак 11

Пение немолчное
приносиши Господе-
ви, мучениче Вонифа-
тие, с мученическими
лики Пресвятей Трои-
це предстоя, за нюже
себе предал еси, да и
мы, души своя, аки не-
весты украсивше, не-
тленному жениху Хри-
сту, представим со ос-

вященною песнию:
Аллилуия.

Икос 11

Свет любви и по
смерти возсиял еси,
Вонифатие дивный,
егда бо друзи твою
усеченную главу об-
ретше, плакахуся
горько, глаголюще:
“Рабе Христов, забу-
ди нам грех неправед-
ного осуждения и без-
рассудных руганий на-
ших”. Тогда лик твой,

яко лучами живыми
просветися, проще-
ние им являя. Сего ра-
ди с любовью тебе зо-
вем:

Радуйся, имеяй уста
кротости сладкове-
щанья.

Радуйся, любви вме-
стилище пространное.

Радуйся, о тебе бо
веселится Церковь со
своими чады.

Радуйся, ты бо при-
шел еси к Вышнему
Небесному Граду.

Радуйся, в смерти

своей апостолом рав-
ный.

Радуйся, ревностию
по Бозе преславный.

Радуйся, житейския
молвы обличаяй и
злые сплетения.

Радуйся, всех нас от
вражия избавляяй
ловления.

Радуйся, ты бо защи-
щаеши неправедно
гонимыя.

Радуйся, пред пре-
столом Господним
лампадо неугасимая.

Радуйся, по запове-

ди Христовой и врагов
любивый.

Радуйся, злословие
и клеветы позабывый.

Радуйся, Вонифатие,
мучениче многостра-
дальный.

Кондак 12

Благодать исцелений
точащая мощи твоя
егда к Риму прибли-
жахуся, ангел Госпо-
день явился Аглаиде,
глаголя: "Бывшаго ти
древле раба, ныне же

нашего брата и сослужебника прими, якоже Владыку, и упокой добре, да греси твои остаются", той бо с нами ныне в небесах поет Всевышнему: *Аллилуия*.

Икос 12

Поющи чудеса твоя,
храм дивный созда тебе,
воине Христов, Аглаида,
в нем же и мощи твоя положи
и сама богатство нищим раз-
давши и пятьнадесят

лет в подвизах поста и
покаяния поживши,
лика святых достиже.
Темже, величающе
чудеса твоя, прослав-
лям тя сице:

Радуйся, душу свою
сотворивый, яко Храм
Богу прекрасный.

Радуйся, чудных Бо-
жиих дел книго ясная.

Радуйся, от внезап-
ная смерти избав-
ляяй.

Радуйся, скорбныя
жены от злых пианиц
ограждай.

Радуйся, падшая к
возстанию от грехов
призываяй.

Радуйся, свет чисто-
ты им подаваяй.

Радуйся, ты бо укро-
щаеши страстей огне-
вицу.

Радуйся, тобою бо
оставляем греховную
темницу.

Радуйся, малая чада
от соблазнов мира со-
блюдаяй.

Радуйся, тыя Христо-
ву учению наставляяй.

Радуйся, вестниче

трезвости, во веки
прославленный.

Радуйся, угодниче
Христов, присно почи-
таемый.

Радуйся, Вонифатие,
мучениче многостра-
дальный.

Кондак 13

О, предивный муче-
ниче Христов Вонифа-
тие, прими от нас
сие малое похваль-
ное приношение, еже
пред иконою твоею

колена преклоньше и
руце свои к тебе про-
стерше тебе ныне
приносим, даруй нам
твое пред Господом
заступление, наипаче
же погибающим от пи-
анства братьям нашим
изцеление низпосли,
жития благаго начало
положить всех нас
сподоби, да спасение
улучивше молитвами,
во веки восхвалим Бо-
га, поюще Ему: *Алли-
луия.*

(трижды, затем Икос 1 и Кондак 1)



МОЛИТВА святому мученику Вонифатию

О, многострадальный и всехвальный мучениче Вонифатие! Ко твоему заступлению ныне прибегаем, молений нас, поющих тебе, не отвержи, но милостиво услыши нас. Виждь братию и сестры наша, тяжким недугом пианства одержимыя, виждь того ради от матери своея, Церкви Христовой, и вечного спасения отпадающия. О святой мучениче Вонифатие, коснися сердцу их данною ти от Бога благодатию, скоро возстави от падений греховных и ко спасительному воздержанию приведи их. Умоли Господа Бога, Его же ради страдал еси, да простив нам согрешения наша, не отвратит милости Своея от сынов Своих, но да укрепит в нас трезвление и целомудрие, да поможет

Своею десницею трезвящимся спасительный обет свой до конца сохранить во дни и нощи, о нем бодрствующе и о нем добрый ответ на страшнем судилище дати. Приими, угодниче Божий, молитвы матерей, о чадах своих слезы проливающих; жен честных, о мужех своих рыдающих, чад сирых и убогих, от пианиц оставленных, всех нас, иконе твоей припадающих, и да приидет сей вопль наш молитвами твоими ко престолу Всевышняго даровати всем по молитвам их здравие и спасение душ и телес, наипаче же царство небесное. Покрый и соблюди нас от лукаваго ловления и всех козней вражиих, в страшный час исхода нашего помози преити неpretкновенно воздушные мытарства и молитвами твоими избави вечнаго осуждения. Умоли же Господа даровати нам к Отечеству нашему любовь нелицемерную и непоколебимую, пред врагами Церкви святая видимыми и невидимыми силу непобедимую, да покроет нас милость Божия в нескончаемая веки веков. Аминь.




МОЛИТВА ОТ ПЬЯНСТВА И ВСЯКОЙ страсти

СПАСИ, ГОСПОДИ, И ПОМИЛУЙ
РАБОВ ТВОИХ *имярек* СЛОВЕСАМИ
БОЖЕСТВЕННОГО ЕВАНГЕЛИЯ
ТВОЕГО, ЧИТАЕМЫМИ О СПАСЕ-
НИИ РАБОВ ТВОИХ СИХ *имярек*.

ПОПАЛИ, ГОСПОДИ, ТЕРНИЕ
ВСЕХ СОГРЕШЕНИЙ ИХ, ВОЛЬ-
НЫХ И НЕВОЛЬНЫХ, И ДА ВСЕ-
ЛИТСЯ В НИХ БЛАГОДАТЬ ТВОЯ,
ПРОСВЕЩАЮЩАЯ, ОПАЛЯЮЩАЯ,
ОЧИЩАЮЩАЯ СЕГО ЧЕЛОВЕКА.

ВО ИМЯ ОТЦА И СЫНА И СВЯТА-
ГО ДУХА. АМИНЬ.

*Читать главу 15 Евангелия от Иоанна
ежедневно.*



Краткое житие святого мученика Вонифатия.

Святой мученик Вонифатий был рабом богатой молодой римлянки Аглаиды и состоял с ней в беззаконном сожительстве. Но оба они чувствовали угрызения совести и хотели как-то омыть свой грех. И Господь пожалел их и дал им возможность очистить грехи своей кровью и закончить грешную жизнь покаянием. Аглаида узнала, что если с благоговением хранить в доме мощи святых мучеников, то их молитвами легче получить спасение, ибо под их благодатным воздействием умаляются грехи и воцаряются добродетели. Она снарядила Вонифатия на Восток, где в то время шло жестокое гонение на христиан, и

просила привезти мощи какого-либо мученика, чтобы он стал их руководителем и покровителем. Вонифатий на прощание, смеясь, спросил: "А что, госпожа, если я не найду мощей, а сам пострадаю за Христа, примешь ли ты мое тело с честью?" Аглаида отнеслась серьезно к его словам и укорила его в том, что он, отправляясь на святое дело, позволяет себе вольности. Вонифатий задумался над ее словами, и все время пути был сосредоточенным.

Приехав в Киликию, в город Тарс, Вонифатий оставил в гостинице своих спутников и пошел на городскую площадь, где мучили христиан. Потрясенный зрелищем страшных пыток, видя просветленные благодатью Господней лица святых мучеников, Вонифатий, по влечению своего сострадательного сердца, бросился к ним, целовал им ноги и просил святых молитв, чтобы и ему удостоиться пострадать с ними. Тогда судья спросил

Вонифатия, кто он. Вонифатий ответил: "Я христианин", - а затем отказался принести жертву идолам. Его тут же предали на мучения: били так, что мясо отпадало от костей, вонзали иглы под ногти, наконец, влили в горло расплавленное олово, но силой Господней он остался невредим. Окружавшие судилище люди пришли в возмущение, они стали бросать в судью камни, а затем устремились к языческому капищу, чтобы низвергнуть идолов. На следующее утро, когда волнения несколько затихли, судья распорядился бросить святого мученика в котел с кипящей смолой, но и это не причинило страдальцу никакого вреда: его оросил сошедший с небес Ангел, а смола вылилась из котла, вспыхнула и обожгла самих мучителей. Тогда святой Вонифатий был приговорен к усечению мечом. Из ран истекли кровь и молоко; видя такое чудо, около 550 человек уверовали во Христа.

Между тем спутники святого Вонифатия, напрасно прождав его два дня в гостинице, стали его разыскивать, предполагая, что он предался легкомысленному времяпровождению. Сначала поиски были безуспешны, но, наконец, они встретили человека, бывшего очевидцем мученической смерти святого. Этот свидетель и привел их туда, где еще лежало обезглавленное тело. Спутники святого Вонифатия со слезами просили у него прощения за неподобные мысли о нем и, выкупив за большие деньги останки мученика, привезли их в Рим.

Накануне их прибытия Аглаиде во сне явился Ангел и велел ей приготовиться принять бывшего раба ее, а теперь господина и покровителя, сослужителя Ангелов. Аглаида призвала клириков, с великим почетом приняла честные мощи, а затем построила на месте его погребения храм во имя святого мученика и положила там мо-

щи, прославившиеся множеством чудес. Раздав нищим все свое имение, она удалилась в монастырь, где провела в покаянии восемнадцать лет и при жизни стяжала чудесный дар изгонять нечистых духов. Похоронили святую близ могилы мученика Вонифатия.



Последование краткого молебна Божией Матери и св. мученику Вонифатию.

свщ: Благословен Бог наш всегда,
ныне и присно, и во веки веков.

хор: Аминь.

свщ: Слава Тебе, Боже наш, слава
Тебе.

хор: Царю Небесный, Утешителю,
Душе истины, Иже везде сый
и вся исполняяй, Сокровище
благих и жизни Подателю, при-
иди и вселися в ны, и очисти ны
от всякия скверны, и спаси,
Блаже, души наша.

свщ: Бог Господь и явился нам, бла-
гословен Грядый во имя Гос-
подне.

Исповедайтесь Господеви,
яко благ, яко в век милость Его.

хор: Бог Господь и явился нам, бла-

гословен Грядый во имя Господне. (4 раза).

святц: Обышедше обыдоша Мя...
Не умру, но жив буду...
Камень, Его же небрегоша
зиждущии...

Тропарь, глас 4.

хор: Днесь притецем, вернии, к божественному и пречудному образу Пресвятыя Богоматери, /напоющей сердца верных неупиваемой чашей небесного Своего милосердия/ и людем верным чудеса показующей, / яже видяще и слышаще, духовно празднуем и тепле вопием: /Владычице милосердная, / исцели наши недуги и страсти, / молящи Сына Твоего, Христа Бога нашего, / и спаси души наша.

Тропарь, глас 4.

хор: К сословию послан мучеников,
(мученик был еси истинен), по-
страдав за Христа крепчайше,
всехвальне, (мощми же воз-
вратился еси верою послав-
шей тя, Вонифатие блаженне),
моли Христа Бога прияти нам
грехов прощение.

свящ: Пресвятая Богородице, спаси
нас.

хор: Пресвятая Богородице, спаси
нас.

свящ: Святый мучениче Вонифатие,
моли Бога о нас.

хор: Святый мучениче Вонифатие,
моли Бога о нас.

свящ: Слава Отцу и Сыну и Святому
Духу.

хор: И ныне, и присно, и во веки

веков. Аминь.

(Все запевы повторяются ещё раз).

хор: Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Призри благосердием, всепетая Богородице, на мое лютое телесе озлобление, и исцели души моя болезнь.

Моли Бога о нас, святой мучениче Вонифатие, яко мы усердно и тебе прибегаем скорому помощнику и молитвеннику о душах наших.

хор: *поёт сразу Кондак 1 из соответствующего Акафиста.*

свящ: *читает Икос 1 и далее поется весь Акафист.*

свящ: *кондак 13 читает 3 раза, затем Икос 1.*

хор: *поёт Кондак 1 из Акафиста.*

свящ: Вонмем. Премудрость. Вонмем. Прокимен.

(если Акафист поется Божией Матери, то:)

свещ: Помяну имя Твое во всяком роде и роде.

хор: Помяну имя Твое во всяком роде и роде.

свещ: Слыши, Дщи, и виждь, и приклони ухо Твое.

хор: Помяну имя Твое во всяком роде и роде.

свещ: Помяну имя Твое.

хор: Во всяком роде и роде.

(если же Акафист поётся мученику Вонифатию, то:)

свещ: Дивен Бог во святых Своих, Бог Израилев.

хор: Дивен Бог во святых Своих, Бог Израилев.

свещ: Праведник яко финикс процветет, яко кедр иже в Ливане умножится.

хор: Дивен Бог во святых Своих, Бог Израилев.

свещ: Дивен Бог во святых Своих.

хор: Бог Израилев.

свящ: Господу помолимся.

хор: Господи, помилуй.

свящ: Яко свят еси, Боже наш, и во святых почиваеши...

хор: Аминь.

свящ: Всякое дыхание да хвалит Господа.

хор: Всякое дыхание да хвалит Господа.

свящ: Хвалите Бога во святых Его, хвалите Его во утверждение силы Его.

хор: Всякое дыхание да хвалит Господа.

свящ: Всякое дыхание.

хор: Да хвалит Господа.

свящ: И о сподобится нам слышанию святого Евангелия Господа Бога молим.

хор: Господи помилуй (*трижды*).

свящ: Премудрость, прости, услышавшим святого Евангелия: Мир всем.

хор: И духови твоему.

свѣщ: От Луки (от Иоанна) свѣтаго Евангелія чтение.

хор: Слава Тебе, Господи, слава Тебе.

свѣщ: *читает св. Евангеліе от Луки, зач. 4
если молебен Божіей Матері или
от Иоанна, зач. 53, если молебен
муч. Вонифатію.*

хор: *(по окончаніи чтенія Евангелія).*
Слава Тебе, Боже наш, слава Тебе.

свѣщ: Пресвятая Богородице, спаси нас.

хор: Пресвятая Богородице, спаси нас.

свѣщ: Святый мучениче Вонифатіе, моли Бога о нас.

хор: Святый мучениче Вонифатіе, моли Бога о нас.

свѣщ: Слава Отцу и Сыну и Святому Духу.

хор: И ныне, и присно, и во веки веков. Аминь.

хор: Не имамы иныя помощи, не имамы иныя надежды, разве

Тебе, Владычице. Ты нам помози, на Тебе надеемся и Тобою хвалимся, Твои бо есть ми раби, да не постыдимся.

святц: Помилуй нас, Боже, по велицей милости Твоей, молим Ти ся, услыши и помилуй.

хор: Господи помилуй (*трижды*).

святц: Врачу душ и телес, со умилением в сердце сокрушенном к Тебе припадаем и стеняще вопием Ти: исцели болезни, уврачуй страсти душ и телес рабов Твоих отец, братий, сестер и детей наших тяжким недугом пианства одержимых (*имена*) и избави их от духа нечистаго и злобнаго, потопляющаго души и тела их в зелии душерастлительнем и прости яко благосерд, вся прегрешения их вольная и невольная и скоро воздвигни от расслабления душевнаго и телеснаго, молим Ти ся, услыши и милостивно помилуй.

хор: Господи помилуй (*трижды*).

свящ: Езекиины слезы, Манасиино и ниневитян покаяние и Давидова исповедание приемый и скоро тех помиловавый и наша во умилении приносимыя Тебе мольбы приими, Всеблагий Царю и, яко щедр, помилуй люте страждущих от недуга пианства рабов Твоих, сродников и ближних наших (*имена*) здравие и исцеление им даруя со слезами молим Ти ся, источниче жизни и безсмертия, услыши и скоро помилуй.

хор: Господи, помилуй (*трижды*).

свящ: Еще молимся о еже не презрети прилежная моления матерей, слезы проливающих о чадах своих, жен честных, о мужех своих рыдающих, чад сирых и убогих, от пианиц оставленных и всех нас к Тебе припадающих и тепле просящих да приидет сие моление наше и

воплъ наш о страждущих и погибающих сродниках наших к престолу Владычества Твоего и милостивно услышан будет, молим Ти ся услыши и помилуй.

хор: Господи помилуй. *(трижды)*.

свещ: Еще молимся о всех сродниках и знаемых, поношение и скорбь от пиянствующих терпящих, и о еже укрепити их в терпении, незлобии и прощении согрешающих и досаждающих им, молим Ти ся, услыши и помилуй.

хор: Господи помилуй *(трижды)*.

свещ: Услыши ны, Боже, Спасителю наш...

хор: Аминь.

свещ: Ко Пресвятей...

хор: Пресвятая Богородице, спаси нас
(или)

Святой мучениче Вонифатие, моли Бога о нас.

свящ: *читает молитву.*

хор: Аминь.

Величание: Величаем, Величаем Тя, Пресвятая Дево, и чтим образ Твой святой, им же точиши исцеления всем с верою притекающим.

(или)

Величаем, Величаем Тя, святой мучениче Вонифатие и чтим честная страдания Твоя, яже за Христа претерпел еси.

свящ: Премудрость. Пресвятая Богородице, спаси нас.

хор: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

свящ: Слава Тебе, Христе Боже,...

хор: Слава Отцу и Сыну и Святому Духу и ныне, и присно, и во веки веков. Аминь. Господи, помилуй *(трижды)*. Благослови.

свящ: *творит отпуст.*

**Издательство САТИС выпускает для
Православной Церкви следующие книги :**

1. Канон Великий. Св. Андрея Критского. Славянский текст с русским переводом, приложением библейских повествований, комментариями и кратким очерком жизни св. Андрея Критского. Репринт с издания 1915 г. (*отпечатано*).
2. Православный церковный календарь на 1994 год. 130 стр. (*отпечатано*).
3. Епископ Игнатий Брянчанинов. Письма аскета. 48 стр. (*отпечатано*)
4. Епископ Игнатий Брянчанинов. Письма к разным лицам. Вып. 1 и 2 (*печатаются*).
5. Молитвы святым угодником Божиим, чтимые на молебнах и иных последованиях. Вып. Сентябрь и Октябрь. (*отпечатано*).
6. Митрополит Антоний Сурожский. О встрече. Сборник бесед и речей. 220 стр. (*готовится к печати*).
7. Прот. Сергей Булгаков. Проповеди.
8. Практическое руководство при отправлении приходских треб (вспомогательная книга). Сост. свящ. Н. Сильченков.

9. Руководство к изучению устава Богослужения Православной Церкви. Свящ. И.Субботин.
10. Акафисты: Божией Матери "Неупиваемая Чаша" и мученику Вонифатию.
11. Иеромонах Никон (Беляев). Дневники. 300 стр. Жизнеописание. 250 стр.

*Издательство печатает репродукции икон,
по желанию заказчика, они могут поставляться
наклеенными на дерево
или в багетных рамках под стеклом.*

**Отпечатанные книги, брошюры и пр.
можно приобрести по адресу:**

*199004, Санкт-Петербург,
В.О., 7-я линия, дом 36, кв. 26. САТИС
Тел./факс.(812) 218-24-78.*



ISBN 5-7373-0020-X

Издательство САТИС

199004, С-Пб, В.О., 7 линия, д.36, оф.26

Подписано к печати 17.01.94 г. Заказ № 57. Тираж 30 000.
Объем 5 печ. л.

ГППП-3. 191104, С.-Петербург, Литейный пр., 55

